



Huldricus ex illustri familia comitū in Montfort natus, et in omni genere uirtutum educatus est. Patrem autem habuit Hugonem comitem præstantissimum. Itaq; cum artium & linguarū fundamenta feliciter iecisset, animum ad armorū exercitia cōuertit & Cæsaris castra aliquandiu secutus fuit. In ijs uerò talem sese exhibuit, ut eius uirtus & industria apud omnes prædicarētur. erat enim magna prudentia & naturali facundia conspicuus. Id cum Ferdināus Imperator cognouisset, eum plurimum dilexit, atq; amplissimo senatui Archiducali in Enlishaim supremum præfectum constituit. Eam prouinciam Huldricus summa animi moderatione administrandam suscepit, atq; res sibi commissas magna dexteritate expediuit. hinc factum ut nō modò subditis, uerūm etiam cunctis uicinis gratissimus extiterit. In eo genere uitæ Huldricus etiam nū pergīt, & suis officijs reliquos ad uirtutes incitat ut meritò is ceteris eius cōditionis uiris exemplo esse queat. Anon.